

LA XANA



Y continuamos con xeres (actividades) relacionaes col agua..... porque pa que los pexes y los mariscos vivan , les agues tienen que tar llimpies.

La xana ta relacionada cola naturaleza, los montes, los regatos, los ríos... y siempre ta pendiente de que la naturaleza nun se contamine y de que los montes nun desapaezan.

La **Xana** ye ún de los personaxes más conocíos na mitoloxía asturiana.

Ye una figura femenina que vive a la vera les fontes y cursos d'agua puro y cristalino como los regatos; llagos, pozos ya inclusive a la vera la mar.

Tien l'aspectu d'una moza perguapa, lleva vestíos llargos blancos o de guapos collores. Tien el pelo llargo y toles sos pertenencies son d'oru como, por exemplu, l'espeyu y el peñe col que se peña.

Cuntan les lleendes máxiques que se puen ver na nueche de San Xuan (24 de xunu) a la vera les fontes.

Contesta na llibreta:

1-Equí tienes el canciu: **“la primavera” del grupu Xentiquina** :

https://www.youtube.com/watch?v=kBgrXLhme0s&list=RDkBgrXLhme0s&start_radio=1

2- ¿Cómo baxa'l regatu y cómo ye'l collar de la mar?.

3-Acabamos de tar en casa unos cuantos díes ensin salir. ¿De qué forma crees qu'influyó na naturaleza'l que les persones nun saliéremos?.

4- Na parte asturiana del Parque Nacional de los Picos d'Europa (montaña de Covadonga) hai dos llagos perconocíos. Averigua como se llamen y dibuxa una xana a la vera d'ún d'esos llagos col nome.